



MOVIMENTU DE LIBERATZIONI NATZIONALI SARDU

SARDINIAN NATIONAL LIBERATION MOVEMENT

GUVERNU SARDU PROVVISORIU

Sardinian Provisional Government

-Dip. Economia sez. Agricoltura-

Aristanis, 09 de idas 2015

NO SCETTI MURRUNZUS MA PRUS DE TOTTU PROPÓNIDAS.

SA FARSA DEMOCRATZIA ARI SDORROCCAU IS SARDUS

Corant'annos de politiga bona a nudda, ignorantis e tzeracca de sa bìrdia italiana, fatta de politigheris e arrebuseris, anti straxinau oi sa Natzioni Sarda a essi mudara a unu populu de beccius, grugullonis e accudius.

Pagus realidadi podianta fai passus de giangallois grazias a s'ordini, a sa cumpetèntzia e a sa organizadura cosas insoru.

S'agricoltura, a parti calincuna rara eccezioni, esti inginugara puru grazias a is sussidius assignaus in manera sciolloriàra, chentza chi benessiri traballara una programmatzioni chi ingollessiri a su cumpletamentu de sa filera produttiva e chi fessiri commertzialmenti cumpetitiva, chi deppiara durai in su tempus, in trettu globali.

Is cosas funti stettias fattas in manera no arrexionara e presuntziosa castiendi scetti a fai torrai is contus ma inforas de calisiàra cumpetèntzia de organizadura.

Oi, in Sardinia, teneus piccioccus mera preparaus, piccioccus chi teninti tottus is virtudis po affrontai su mundu produttivu e commertziali.

No podeus e no depeus permitti chi cuscus balimentus lassinti sa Natzioni sarda po circai in atru logu cussu chi sa terra insoru deppiri arrennesci a d'offerri.





MOVIMENTU DE LIBERATZIONI NATZIONALI SARDU

SARDINIAN NATIONAL LIBERATION MOVEMENT

GUVERNU SARDU PROVVISORIU

Sardinian Provisional Government

-Dip. Economia Sez. Agricoltura-

Sa burocrazia de su Stadu strangu italianu teniri sa curpa manna de appetigai chini oi si boliri pigai s'impignu in sa produzioni campualimentari, sa lentesa cosa sua fairi aspreai e is ispesas tannicas e tributàrias funti mera grais, obliganta is prus alidantzusus a s'indepirai priguntendi dinai a is bancas, dinai aggravau de interessus smannaus e a distempus, chi funti trocciduras, e chi sa torrara deppiri cumentzai innantis de tenni unu resurtau mancai pitticcu, decretendi aici, fintzas de s'incumentzu, s'accabbara de dònna forma de produtzioni.

Sa difficultadi si poria arresolvi si si realisara in dònna Cumuni (Enti chi depiara umperai sa soberania de sa popolazioni chi d'ari nomenau scioberendiddu po amministrari is interessus cosas insoru) una truma de traballu chi tenessiri cumpetènzias tannicas e de organizadura, chi studiessiri pranus de traballu e ghiadessiri tottus is personas chi intendenti cumentzai una bia in su mundu produttivu de messartzia, avvalorendi prus de tottu s'arrénduda segundu su connottu de su logu

Su Provv. Gen. de sa Sez. Agricoltura

Luisu Zucca



info@mlnsardu.org

www.mlnsardu.org

agricoltura@mlnsardu.org

